

SCRIPT OF EVENING GOJRI NEWS BULLETIN 26JUNE 1700 HRS

ایونینگ گو جری نیوز بلیٹن مورخہ 26 جون 2025

یوہ اکا شوانی جموں ہے گلام سرور تے نصرت تیں خبر سُنو۔

HEADLINES

۱. امرناتھ یاترا غاٹرن آوٹ مانہ پچھلا سال غے مقابلے 10 فی صد گی کمی آئی ہے لیفٹیننٹ گورنر منوج سنہا نے مزید بڑوتری گی اُمید ظاہر کی ہے۔
۲. آن آلا امرناتھ یاترا گی تیاریاں بارے حفاظتی دستاں نے ادھمپور تیں چینی توڑی جامع مشترکہ مشق کی۔
۳. جموں کشمیر غا ادھمپور مانہ 4 دہشت گرداں غا چھپیا جان ور تلاشی کاروائی جاری ہے۔
۴. مشن یووا جموں کشمیر مانہ زندگیاں نانہ بدل رہیو ہے چیف سیکرٹری نے سرینگر مانہ چھوٹا کاروباری غی ترقی تے کاروباری معاونت ڈیسک گا اراکین تیں ایک روزہ اجلاس غی صدارت کی۔
۵. جموں خطہ مانہ بکھ بکھ حصان مانہ منشیات غا استعمال تے غیر قانونی کاروبار غے خلاف عالمی تہارو منایو گیو۔

LG PC

لیفٹیننٹ گورنر منوج سنہا نے اچ کہیو کہ 22 اپریل غا واقعہ تیں پہلاں شری مارناتھ جی یاترا واسطے 2 عشریہ 36 لکھ تیں متا یاتریاں نے اندراج کروایو تھو۔ مجموعی طور ور ٹرن آوٹ مانہ پچھلا سال کا مقابلہ مانہ 10 عشریہ 19 فی صد گی کمی آئی ہے تاہم اس طرح انہاں نے اُمید ظاہر کی ہے کہ آن آلا تہاڑاں مانہ یاه گنتری دوباری بدھے گی لیفٹیننٹ گورنر منوج سنہا نے سرینگر مانہ ایک پریس کانفرنس سنگ خطاب کرتا واں کہیو کہ 22 اپریل تیں پہلاں 2 لکھ 36 ہزار 801 لوکاں نے اندراج کرایو تھو لیکن 22 اپریل گا واقعہ تیں بعد اس مانہ معمولی کمی دیکھی گئی تاہم اس طرح کل توڑی 85 ہزار تے متا یاتریاں نے اپنا یاترا گی تصدیق کی ہے انہاں غو کہنو تھو۔

MOCK DRILL

آن آلا امرناتھ یاترا گی تیاری غا سلسلہ مانہ حفاظتی دستاں نے ایک جامع مشترکہ ماک ڈرل کی۔ یاه فرضی مشق قومی شاہراہ 44 غا حصہ گے طور ور ادھمپور غا سرور تے چینی توڑی کروائی گئی اس مشق کی نگرانی خوادھمپور گا ایس ایس پی امود اشوک ناگ پورے نے کی اس مشق مانہ جموں کشمیر پولیس قومی ڈیزاسٹر ریسپانس فورس ریاستی ڈیزاسٹر ریسپانس فورس 137 بی این، سی آر پی ایف، بھارتی فوج محکمہ صحت تے فائر ایمرجنسی سروس سمیت متعدد ایجنسیاں نے شرکت کی اس موقع ور بولتا واں اسی اسی پی ادھمپور نے اس طرح کہیو۔

ENCOUNTER

ضلع ادھمپور غا اجنگلاتی علاقہ مانہ چار دہشت گرد غا چھپا جان گی اطلاع لین ور حفاظتی دستاں نے اس بارش تیں دھند غا موسم مانہ ان دہشت گرداں نانہ مار مکان کی کوشش کر رہیا ہیں واضع رہ کہ ان دہشت گرداں نانہ 1 سال تیں لوڑ یو جارہیو ہے یاه کاروائی اس وقت شروع ہوئی جد بھارتی فوج تے جموں کشمیر پولیس کی ایک سانجی ٹیم نے اچ نیکلو ضلع غا بسنت گڑھ غو دورو لایو علاقہ بیالی مانہ ایک مخصوص سُن غی بنیاد ور تلاشی مہم شروع کی تاہم اس خراب موسم کی صورتحال مانہ برا پیمانہ ور تلاشی جاری ہے جموں رینج غا انسپکٹر جنرل آف پولیس بھیم سین ٹوٹی نے جموں مانہ ایک تقریب غا موقع ور نامہ نگاراں نانہ دسیو کہ اچ نیکل و لگ بھگ ساڈا 8 بجے دہشت گرداں غی خبر لی آئی غو کہنو تھو۔

PADRI BHAL PADRI ROAD

ٹوڈہ ضلع مانہ قبائلی برادری نانہ سڑک غی سہولت دینتے ماحولیاتی سیاحت نانہ بڑھاو دین واسطے پاڈری بل پاڈری سڑک بنائی جارہیہ اس منصوبہ ور 13 کروڑ 20 لکھ خرچ کیا جارہیا ہیں یاه سڑک 2022 مانہ بننی شروع ہوئی تھی تے ہُن نکی گٹیاں واسطے چلن غے قابل بن چکی ہے اس بارے مزید جانکاری دیتا واں بدرواہ تیں سرکاری محکمہ پی ڈبلیو ڈی غا ایگزیکوٹیو انجینئر راجندر کمار نے اس طرح کہیو۔

PM MKB

وزیر اعظم نریندر مودی مُلک تے بیرون مُلک رہ رہیا بھارتی شہریاں سنگ آئندہ 29 جون نانہ آکاش وانی ور من کی بات پروگرام مانہ اپنا خیالات سانجہ کریں گاہاہ ماہانہ ریڈیو پروگرام غی 123 ویں قسط وے غی۔ لوگ اپنا خیالات تے تجویز تول فری نمبر 1800117800 ور ڈائل کر غے روانہ کر سکیں۔ اس توں علاوہ نریندر مودی ایپ یاه فرمائے گو اوپن فورم ور وی اپنا خیالات تے تجویز روانہ کی جا سکیں یہ تجویز اس مہینہ غی 27 تاریخ توڑی ہی قابل قبول وین گی۔ یوہ پروگرام آکاش وانی، دور درشن، اے آئی آر نیوز ویب سائٹ تے نیوز آن انر مو بائل ایپ ور نشر تے ٹیلی کاسٹ کیو جائے گو۔ اس توں علاوہ یوہ پروگرام اے آئی آر نیوز، ڈی ڈی نیوز تے وزیر اعظم غا دفتر تے اطلاعات و نشریات غی وزارت غا یوٹیوب چینل ور وی براہ راست نشر تے ٹیلی کاسٹ کیو جائے گو۔ آکاش وانی اس پروگرام غی ہندی نشریات غے فوراً بعد اس نانہ علاقائی زبانان مانہ وی نشر کرے گو۔

CS MISSION YUVA

چیف سیکرٹری اٹل ٹلو نے اچ کہیو کہ مشن یووا ایک انقلابی تحریک ہے جس غو مقصد جموں کشمیر غا نوجوانان غی سوچ نانہ بدلنو تے انہاں نانہ معاشی طور ور باختیار بنانو ہے انہاں نے یاه گل سرینگر غا بینکٹ ہال مانہ مشن یووا غے تہت چھوٹا کاروبار

غی ترقی غا یونت ت پکاروباری معاونت ڈسک گا ارکان واسطے رکھیا گیا پروگرام غی صدارت کرنا واں کہی۔ اپنا خطاب مانہہ چیف سیکرٹری نے کہیو کہ مشن یووا گو مقصد نوجواناں غی سوچ نانہہ صرف سرکاری نوکری توڑی محدود رکھن غے بجائے انہاں نانہہ اپنو کاروبار تے دوجا روز گار غا رستہ غا مواقع غی طرف راغب کرنو ہے۔ انہاں نے کہیو ایک ایسو مضبوط نظام بنایو جے جت نوجوان آسانی تیں کاروبار شروع کرسکیں تے سماج غی ترقی مانہہ حصو لے سکیں۔

INT'L DAY AGAINST DRUGS

اج دنیا بھر مانہہ منشیات غا غلط استعمال تے غیر قانونی کاروبار غے خلاف عالمی دن منایو جا رہیو ہے اس دن غو مقصد منشیات تیں پاک معاشرہ نانہہ بنان واسطے اقدامات تے بین العوامی تعاون نانہہ مضبوط کرنو ہے۔ وزیر اعظم نریندر مودی نے اپنا پیغام مانہہ منشیات انسداد ادارہ انتہہ نسہ مکت بھارت پکھوٹا 12 جون تیں اج توڑی منان ور سہرايو آکاشوانی غا خیراں آلا شعبہ سنگ گل کرتا واں جموں کشمیر منشیات مخالف ایس ایس پی محمد انور آل حق نے نوجوانان تیں اپیل کی کہ منشیات تیں دور ریں۔ انہاں نے کہیو جموں کشمیر مانہہ منشیات غی سمگلنگ مارا پڑوسی ملک غی ایک سازش ہے تانجے ماری آن آلی نسلان نانہہ تباہ کیو جاسکے۔ انہاں نے مزید اس طرح کہیو۔

INT'L DAY DRUG ABUSE

منشیات غا غلط استعمال تے غیر قانونی کاروبار غے خلاف عالمی دنغا موقع ور جموں صوبہ گا مختلف حسان مانہہ بیادری پروگرام منعقد کیا گیا ہیں اس دنگو مقصد منشیات غے خلاف جدوجہد نانہہ مضبوط بنانو ہے ان تقریب مانہہ طلباء مقامی لوکاں پولیس اہلکار تے سول انتظامیہ نے بڑھ چڑھ غے حصو لیو۔ ریاسی ضلع مانہہ وی مختلف اہم مقامات ور ریلی کڈی گئی جت شرکاء نے ہتھان مانہہ بینر چایا وا تھا تے منشیات تیں پاک سماج غا حق مانہہ نعرہ بلند کیا اس موقع ور ڈی سی ریاسی ندھی ملک نے اس طرح کہیو۔ منشیات غا استعمال نانہہ روکن واسطے ایک اہم قدم غا طور ور ڈوڈہ گا محکمہ سماجی بہبود نے ڈوڈہ قصبہ مانہہ ایک بیادری پروگرام غو انعقاد کیو تانجے عوام نانہہ منشیات گا نقصانات تیں باخبر کیو جاسکے۔ ڈی سی ڈوڈہ ہرویندر سنگھ نے اس پروگرام غی صدارت کی۔ تے اپنا خطاب مانہہ انہاں نے اس طرح کہیو۔ اسی طرح ضلع کشتواڑ مانہہ محکمہ سماجی بہبود نے ضلع انتظامیہ تے گورنمنٹ ڈگری کالج کشتواڑ گا تعاون تیں منشیات غے خلاف عالمی دن ورا یک بیادری کیمپ گو انعقاد کیو۔ اس پروگرام مانہہ تقریباً 1200 افراد نے شرکت کی جن مانہہ طلباء آساترہ تے عام لوک شامل تھا۔ آکاشوانی غا خیراں آلا شعبہ سنگ گل کرتا واں ایڈیشنل ڈپٹی کمشنر کشتواڑ ادیس لون نے اس طرح کہیو۔

WEATHER

محکمہ موسمیات نے جموں صوبہ مانہہ اج تیں 27 پلک توڑی شدید بارش کی پیش گوئی کی ہے حکام نے کسانان تیں اپیل کی ہے کہ چند دنان توڑی آبپاشی تے دیگر زرعی سرگرمیاں معطل کرن تیں تانجے کسی وی قسم گا نقصان تیں بچیو جاسکے۔ عوام تیں گزارش کی گئی ہے کہ ہوشیار ریں تے حفاظتی ہدایات ور عمل کریں۔

NEWS READ BY GHULAM SERVER
NEWS READ BY NUSRAT
NEWS EDITOR KUNAL SHRIVATSA
SKILLED RAJAT
TECH ASST QUDRAT
DEO NUSRAT